



Vita de ploania y de paisc

- **Pröma Santa Comegnun: la festa é gnüda sbürlada ala domegna, ai 4 de jügn.** I orun acompagné Andy, Helena, Jasmin, Lena, Marie, Mark, Nicole, Sara y Simon y söes families tla preparaziun al Sacramont con nosta oraziun.
- **Messa dal lönesc:** la santa messa ven dita de regola da sera (ales 19:30), mo canche signor ploan mess jí a sontades foradecá la dijarál belo da doman. Porchel vegnel aconsié da ciaré dagnora al orar sön plata.
- **Iolan y Dio s'al páii de Osta oferta ai Trei Resc: 6.699,68 €.** Iolan ai mituns y ales mitans, a chi co i á arjigné ca y acompagné y a düc chi co á colaoré con val sorvisc al'aziun. En rengraziamont ales families co á tut sö i Resc tles ciasas y a düc chi co á fat val oferta (marenes y ater).



Enformaziuns y terminis

Le Zenter Families Mareo envieia i membri y sostignidus d'uniun a paié ete le contribut de 20,00 € por l'ann 2023 anter le mens de forá y ensciö ince a tó pert ales trepes y beles ativités co i aspetará. An preia i membri da paié ete le contribut söle cunt IBAN: IT 67 S 08010 58550 000305024064 y scrí ete tla gauja dal paiamont: ennom y Cognom – ann 2023, numer de fonin y na misciun mail.

Comun de Mareo: i sac dal ciomont ven endô partis fora por döt l'ann. Porchel seis der bel envié da passé te comun anter i **10 de forá** a tó i sac por l'ann 2023: lönesc, dedolönesc, jöbia y vendres dales 9:00 ales 12:00 y dedemesaledma dales 08:00 ales 12:00 y dales 15:00 ales 17:00). Al é ince la poscibilitá da i prenoté danfora al ☎ 0474 503760 o por e-mail a margareth.rubatscher@comun.mareo.bz.it

Ciasa de Palsa/Raiun Sozial Val Badia: con l'ann nò él indò gnü daurí te Ciasa de Palsa le sorvisc dal **"Guern ia por le de"**. Cösc é ponsé por porsones atompades co ven ma ia por le de te Ciasa de Palsa y s'an vá da sera endò a ciasa. Al é la poscibilitá da sté da en valgünes ores cina a döt le de olache an ciafa la marena y al pó gní tut pert ales ativités organisades te Ciasa. Por le sorvisc él preodü na picia cuota de partezipaziun ai cosc y por le trasport messel gní fistidié dala porsona enstessa o dai familiars. Dötes les enformaziuns y l'iscriziun al sorvisc é da ciáfé te Raiun Sozial a Picolin pa Helga Trebo, por mail: helga.trebo@bzgpust.it o al ☎ 0474 524513.

Sessiun forestala: la staziun dai Verdabosc d'Al Plan lascia alessei che la sessiun forestala por l'ann 2023 gnará tignida por döt le Comune de Mareo, en dedolönesc ai **17 de iener ales 20:00 te Ciasa dles Uniuns a La Pli**. Dlungia le tema prinzipal co trata dla "situaziun dal chefer dla scorza (arlogn)" gnará ince baié dles tematiches atuales dal setur dai bosc, munts y economia da munt y dai laurs fac y preodüs por le 2023. Deaché la tematica dal bosch atoché dal arlogn é de gran emportanza é düc der bel inviés.

Döt le bun a: Rita Erlacher Tomasi, *Türesc* * 16.01.1939
 Maria Teresa Pedevilla Ellemunter * 18.01.1932
 y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploan: Signor Klaus Sottsas
 ✉ klsottsas@rolmail.net

Calogna Al Plan: ☎ 0474 501006
 Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

15.01.2023 - 2. domegna ia por l'ann

n. 8

La Parora é gnüda cern y á abité danter nos.

A düc chi co l'á tut sö ti ál dé la potesté de gní fis de Dio.

Alleluia.

(aclamaziun dan le Vangelo)

📖 **Is 49, 3.5–6 | 1 Cor 1, 1–3 | Jan 1, 29–34**

Vigne porsona s'aspeta che ara ti vái bun sön cösc monn y che döt vái a bun fin. La Sacra Scritöra nes mostra che Chel Bel Dio nes ven atló adencuntra y che tres söes profezies ál dagnora encündé söes opera de salveza. Dandadöt le profet Isaia á mostré le deit sön la figöra dal "fant de Dio", figöra a chera che ara é liada la salveza dal monn. "Iu ó" – dijel – "che tö sii le lominus dles naziuns, por che mia salveza arjunji i confins dla tera" (1ª letöra). Con l'avent de Gejú Crist, anunzié da Jan Batista desco "Agnel de Dio co tol demez i picés dal monn", realiseia Chel Bel Dio ci ch'al á empormotü (Vangelo). San Paul recorda tla letera a chi da Corint che düc i cristiagn é cherdés a dé testimonianza dla santité de Chel Bel Dio, deache nos düc sun gnüs santifichés por grazia de Gejú Crist (2ª letöra).

Dal Vangelo do San Jan:

Te chel tomp²⁹á Jan Batista odü le Signur co ti gnea pormez y al á dit: Ciarede, l'Agnel de Dio, co tól demez le picé dal monn. ³⁰El é chel, de chel ch'i á dit: Do da me vegnel n el co m'é danfora, deach'al ea dan da me. ³¹Ince iu ne le conescea nia; mo i sun gnü y i baceii con ega, por ti al fá conesce a Ísrael. ³²Y Jan á testimonié: I á odü le Spirit gnenn jö dal ci desco na colomba y stenn sön el. ³³Ince iu ne le conescea nia; mo el, co m'á mené a bace con ega, m'á dit: Sön chel che t'odaras gnenn jö le Spirit y sön chel ch'al stá, chel édl co bacieia con Spirit Sant. ³⁴Cösc á odü, y i testimonieii: El é le Fi de Dio.



Ciarede, l'Agnel de Dio, co tól demez le picé dal monn.

Jan 1, 29

📖 *Letöres dla 3. domegna ia por l'ann | domegna dla Parora de Dio:*
Is 8, 23b – 9, 3 | 1 Cor 1, 10–13.17 | Mt 4, 12–23

Edema liturgica dai 15.01. ai 22.01.2023

| | |
|--------------------|---|
| DOM 15. | 2. domegna ia por l'ann <i>Romedius da Thaur, Arnold Jansen, Maurus</i> |
| 06:30 | gran messa a Al Plan |
| 09:30 | corona por la pêsc |
| 10:00 | gran messa por dōta la ploania <i>oferta por la ploania</i> s.m. d'aniversar por † Nese Taibon ved. Erlacher, Cargá s.m. por d'aniversar por † Josef Kosta, Framacia |
| Lön 16. | <i>Teobald, Marzelin, Ulrich</i> |
| 19:30 | s.m. por Agata y Margit Brandlechner, Gosser s.m. por † Richard Brandlechner, Gosser s.m. por les Püres Armes |
| Ded 17. | <i>De dal dialogh danter Cristians y lüdes Antone abat, Beatrix, Iulian</i> |
| 09:00 | sön Antermëia, corona y ales 09:30 s.m. en onú de sant Antone |
| Dem 18. | <i>al met man l'edema d'oraziun por l'unité dai cristians 18. - 25.1. - Regina, Prisca</i> |
| Jöb 19. | <i>Marius y 3 compagns, Heinrich</i> |
| 07:30 | s.m. a Rina |
| → 19:30 | oraziun da Taizé |
| Ven 20. | <i>Fabian, Bostian, Elisabeta, Ursula</i> |
| 07:20 | s.m. a Al Plan |
| Sab 21. | <i>Sabeda de Santa Maria Agnes, Ines, Meinrad</i> |
| 07:30 | s.m. por † signor Matio Rigo, Matlogn s.m. por † Matilde Frotull ved. Vollmann, Moradú s.m. do entenziun dla fam. Lisbeth y Peter Sulzenbacher, Valsperch |
| 18:00 | s.m. prefestia a Al Plan |
| DOM 22. | 3. domegna ia por l'ann <i>Vinzenz, Walter, Teodolinda</i> DOMEGNA DLA PARORA DE DIO |
| 06:30 | gran messa por dōta la ploania <i>oferta por la ploania</i> s.m. por †† Erlacher, Tomele s.m. por †† d'Laronz |
| 10:00 | gran messa a Al Plan |
| <i>ampola:</i> | do entenziun de na familia |
| <i>ministronc:</i> | • lönesc y sabeda: Sofia El. y Damian • domegna: Marco y Elias, Matteo y Maria |
| <i>i recordun:</i> | Josef Kosta † 15.01.2017 Stefania Trebo ved. Costner, Colfosch † 15.01.2020 Lena Frena Brandlechner † 19.01.2019 |

📖 Ciaréde l'Agnel de Dio

I ponsun do:

Por mostré sön la presenza de Chel Bel Dio te cösc monn ól ester testimoni: porsones co cunta ci che Chel Bel Dio á fat, co reconesc Gejú, le Fi de Dio, y se mostra i fostüs dal Signur amesa nos. Jan á por pröm mostré sön Gejú Crist. Cösc so laur n'é nia roé: aldedancö messunse nos cristiagn le tó sö.

I periu:

Dio onipotent, te deplü manieres aste mostré ala jont tōa vijinanza. Deidesse descurí tla dlijia y tal monn i fostüs de tōes operes. Por Gejú Crist, nosc Signur.

Vesco Wilhelm Egger "Sonntagsbibel"

I simboi cristiagn cuntés ai mituns (1)



Sontí, che Chel Bel Dio é dlungia nos

Cosses da vigne de, desco löm y ega, pan y vin, o segni desco le pesc o les leteres XP se porta la fede plü dampró. Ares se recorda stories dla Bibia o esperionzes che porsones á fat con Chel Bel Dio. A avenimonc sozedüs dadío o a cosses che an ne veiga nia i vegnel ensciö tres danö dé vita. Tres chisc segni podunse odei y brancé ete le messaje dla fede, i podun sontí y sperimenté: Chel Bel Dio s'ó bun y al nes é dlungia te Gejú.

L'Alpha y l'Omega

L'Alpha (A) é la pröma y l'Omega (Ω) é l'ultima letera dal alfabet grech. Enschiö desche les leteres A y Ω daür y slüj l'alfabet, enschiö él Gejú co fej con la vita sön cösc monn. Con so amur acompagneiel vigne persona dal meter man cina ala fin. Gejú dij: „lu sun l'Alpha y l'Omega, le pröm y l'ultimo, le meterman y la fin“ (*Revelaziun 22,13*).

Ince söle cere da Pasca él, dlungia la crusc, les leteres A y Ω. La ciandera é en simbol por Gejú rosserí dai morc. Le mediejo sön la ciandera se recorda che Gejú é pa nos ince ciamó aldedancö.



📖 Gran messes dles domegnes y festes

○ Atló dessot odeise le calender con i orars dles gran messes de forá y merz 2023:

| data | de | La Pli | Al Plan |
|-------|---------|--------------|---------|
| 02.02 | S.Maria | 08:30 | |
| 05.02 | domegna | 08:30 ZPD | 06:30 |
| 12.02 | domegna | 06:30 | 10:00 |
| 19.02 | domegna | 10:00 | 06:30 |
| 22.02 | capiun | 19:30 | 18:00 |

| data | de | La Pli | Al Plan |
|-------|---------|--------|---------|
| 26.02 | domegna | 06:30 | 10:00 |
| 05.03 | domegna | 10:00 | 06:30 |
| 12.03 | domegna | 06:30 | 10:00 |
| 19.03 | domegna | 10:00 | 06:30 |
| 20.03 | S.Ojep | 19:30 | |
| 26.03 | domegna | 06:30 | 10:00 |